

IV. OPOSICIÓN E CONCURSOS

CONSELLERÍA DE EDUCACIÓN E ORDENACIÓN UNIVERSITARIA

Corrección de erros.-Orde do 9 de xuño de 2010 pola que se ditan normas para a adxudicación de destino provisional para o próximo curso académico 2010-2011 ao persoal do corpo de mestres que non teña destino definitivo, ao que resulte desprazado por falta de horario, ao que se lle conceda unha comisión de servizos por concelleiro ou concelleira, por motivos de saúde ou por conciliación da vida familiar e laboral, ao persoal opositor do ano 2010, e ao persoal interino ou substituído do corpo de mestres e ao que solicite o reingreso no servizo activo.

Advertida omisión, na devandita orde, publicada no DOG nº 114, do xoves, 17 de xuño de 2010, cómpre efectuar a oportuna corrección.

Na páxina 11.170 debe engadirse o anexo II.

ANEXO II

Especialidade	Titulación
Educación Infantil	Mestra/Mestre.-Especialidade de Educación Infantil Profesora/Profesor de Educación Xeral Básica.-Especialidade Preescolar.
Filoloxía e Lingua Estranxeira: Inglés	Mestra/Mestre.-Especialidade de Lingua estranxeira Profesora/Profesor de Educación Xeral Básica.-Especialidade en Lingua Española e Idioma Moderno Licenciada/Licenciado en filoloxía inglesa, ou ter superados os tres primeiros cursos desta licenciatura.
Filoloxía e Lingua Estranxeira: Francés	Mestra/Mestre.-Especialidade de Lingua estranxeira Profesora/Profesor de Educación Xeral Básica.-Especialidade en Lingua Española e Idioma Moderno Licenciada/Licenciado en filoloxía francesa, ou ter superados os tres primeiros cursos desta licenciatura.
Educación Física	Mestra/Mestre.-Especialidade de Educación Física Profesora/Profesor de Educación Xeral Básica.-Especialidade de educación física Licenciada/Licenciado do INEF, ou ter superados os tres primeiros cursos desta licenciatura.
Educación Musical	Mestra/Mestre.-Especialidade de Educación Musical Título de grao medio ou superior dos conservatorios de música.
Pedagogía Terapéutica	Mestra/Mestre.-Especialidade de Educación Especial Profesora/Profesor de Educación Xeral Básica.-Especialidade de Educación Especial Licenciada/Licenciado en Pedagogía e homologados. Licenciada/Licenciado en Psicopedagogía
Audición e Linguaxe	Mestra/Mestre.-Especialidade en Audición e Linguaxe
Educación Primaria	Mestra/Mestre.-Especialidade de Educación Primaria Profesora/Profesor de Educación Xeral Básica.-Especialidade de Educación Primaria Mestra/Mestre.-Especialidade de Matemáticas, Ciencias Naturais, Ciencias Sociais ou Filoloxía Francesa.

Orde do 11 de xuño de 2010 pola que se convoca concurso de méritos específico entre persoal funcionario de carreira dos corpos docentes que imparten ensinanzas reguladas na Lei orgánica 2/2006, do 3 de maio, de educación, para cubrir prazas de persoal asesor nesta consellería.

O Decreto 244/1999, do 29 de xullo, polo que se regula a cobertura de diversas prazas por funcionarias/os públicos docentes que imparten ensinanzas en niveis non universitarios, dispón, no seu artigo 5, que se cubrirán en réxime de comisión de servizos, por concurso de méritos específicos entre persoal funcionario de carreira dos corpos docentes que imparten ensinanzas en niveis non universitarios, aquelas prazas que segundo as previsións contidas no artigo 59 da Lei orgánica 1/1990, do 3 de outubro, de ordenación xeral do sistema educativo, teñan por obxecto fomentar a investigación, favorecer a elaboración de proxectos que inclúan innovacións curriculares, metodolóxicas, tecnolóxicas, didácticas e de organización de centros docentes.

Na súa virtude e sobre a base da autorización expresa que figura na disposición derradeira primeira dese decreto, esta Consellería de Educación e Ordenación Universitaria

DISPÓN:

Artigo 1º.-*Obxecto.*

Convocar concurso de méritos específico entre persoal funcionario de carreira dos corpos docentes que imparten ensinanzas reguladas na Lei orgánica 2/2006, do 3 de maio, de educación.

Artigo 2º.-*Participantes e requisitos.*

Poderá participar nesta convocatoria o persoal funcionario de carreira dos corpos docentes que imparten ensinanzas en niveis non universitarios, que se atope en servizo activo na Comunidade Autónoma de Galicia no curso académico 2009-2010 e que estea en posesión do Celga 4 ou certificación equivalente.

Enténdese en situación de servizo activo na Comunidade Autónoma de Galicia, no 31 de agosto de 2010, o persoal docente que desde un destino definitivo da Comunidade Autónoma de Galicia accedeu a un posto docente no estranxeiro e que debe reincorporarse obrigatoriamente a esta comunidade no próximo curso académico.

Artigo 3º.-*Lugar e prazo de presentación.*

A instancia, así como a documentación correspondente, poderá presentarse no rexistro único, edificio administrativo San Caetano, nos departamentos territoriais ou en calquera das dependencias que sinala o artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común e dirixíranse á Dirección Xeral de Centros e Recursos